

Cinzdangz Gih Hai Aen Hoih “Cuengh Gun Song Saw Vah Hagdangz Bi 2013 Seizcou Hong Haihag Caeuq 《Gocwngz Byauhcinj Sawcuengh》 Beizyin

覃塘区召开壮汉双语学校2013秋季开学工作会议暨《壮语文课程标准》培训

Vihliux nda ndei hong Cuengh Gun song saw vah sonhag, Gveigangj Si Cinzdangz Gih Gyaunuzgiz youq bi 2013 ndwen 9 ngoenz 3 hauh hai aen hoih “ Cuengh Gun Song Saw Vah Hagdangz Bi 2013 Seizcou Hong Haihag Caeuq 《Gocwngz Byauhcinj Sawcuengh》 Beizyin”. Baez hoih neix, miz gyaunuz giz lingjauj, 7 aen Cuengh Gun song saw vah sonhag hagdangz lauxsae daiyauj gungh 28 boux camgya.

Iteig daeuj, Cinzdangz Gih hong Cuengh Gun song saw vah sonhag guh ndaej haemq ndei, ndaej daengz boux lingjauj baihgwnz haengdingh, bouxlaux lwghag habhoz. Bi-neix, Cinzdangz Gih deng Swcigih Gyaunuz Dingh Minzcuz Gyaunuzcu dingh guh “Gvangjsih Cuengh Gun song saw vah gyaunuz sonhag sifan yen si (gih) gensez”. Gij saehnieb Cuengh Gun song saw vah sonhag Cinzdangz Gih hix ndaej daengz demrengz caeuq fazcanj. Bi’ neix haggeiz seizcou, Cinzdangz Gih Mungzugungh Yangh youh demlai song aen siujyoz hagdangz hengzuguh Cuengh Gun song saw vah sonhag.
(Huz Bangjhangz)



▲ Lauxsae dox gyauhliuz gij dijvei hagsib.



▲ Yienhciengz aenhoih.

◀ Gyoengq lauxsae daiyauj youq gwnz dangz beizyin nyinhcaen dingq goq.

Gingloz Siujyoz Yawjnaek Minzcuz Conzdungj Vwnzva Gyaunuz

庆乐小学重视民族传统文化教育

Vujmingz Yen Gingloz Siujyoz dwg gih raeuz Cuengh Gun song saw vah sawqniemh hagdangz ndawde aen ndeu, daj 1981 nien hwnj, hagdangz couh guh Cuengh Gun song saw vah sonhag lo. Ginggvaq 30 lai bi roengzrengz guhhong, seizneix Gingloz Siujyoz gaenq dwg gij hagdangz guh hong Cuengh Gun song saw vah seizgan ceiq raez ndawde aen ndeu, dwg aen hagdangz guh Cuengh Gun song saw vah sonhag aeundaej cingzciq ceiq maenhndei ndeu.

Gingloz Siujyoz lij gig yawjnaek minzcuz conzdungj vwnzva gyaunuz, daegbied dwg gaenh geij bi daeuj, laebdingh le “ciepswnj minzcuz vwnzva, hungzyangz minzcuz cingsaenz, doedok minzcuz gyaunuz, gungganq vunzmoq minzcuz” aen banhhag muzbyauh neix. Comzrengz laemxsim guh hong minzcuz conzdungj gyaunuz. Hagdangz laebbaenz le “Lwggingloz” Yisuzdonz, moix boux hagseng cungj rox eu Fwencuengh, rox diuqfoux Bouxcuengh, cungj gyaenz minzcuz vwnzva Bouxcuengh raeuz. Hagdangz daihlig fazcanj minzcuz vwnzva gyaunuz daegsaek, aeu ndaej cingzciq maenhndei.
(Cinz Cicungh)



▲ Gyahnazda gyaunuz conghyah daeuj Gingloz Siujyoz gaujcaz, youq gwnz dangz Sawcuengh caeuq hagseng doxhagsib.



▲ “Lwggingloz” Yisuzdonz camgya Vujmingz Ciet Sam Nyied Sam byaujyeni.



Cangzdangz Siujyoz Guh “Vwnzmingz Hagdangz” Bauqfwngzsij Doxdax Hozdung

长塘小学开展“文明校园”手抄报比赛活动

Vihliux gikfat gyoengq hagseng gag doengh fwngz caeuq cangcoz naengzlig, mboengqgonq, Nanzningz Si Cinghsiu Gih Cangzdangz Cin Cangzdangz Cunghsinh Siujyoz youq ndaw hagdangz cujciz gaihcanj “vwnzmingz hagdangz” bauqfwngzsij doxdax hozdung. Hagdangz leihyungh lai cungj lai yiengh hingzik gujli hagseng hag lienh sij cih, gyagiengz goengdaej vehveh, daezsang cauxmoq

naengzlig. Hawj hagseng youq damqra ndawde hagsib, youq guh’ angq ndawde majhung. Baez bauqfwngzsij doxdax neix, gyoengq hagseng ndaej fazveih naengzlig cauxmoq swheij, lauxsae hix ndaej fatyienh miz haujlai hagseng youq suhfaz fuengmienh miz dungxcaiz, lij naeuz ngoenzlaeng aeu haeujsim beizyangj, sawj hagseng cienzmienh ndaej fazcanj.

(Lij Cinghsiz)

◀ Bauqfwngzsij hagseng.